

四庫全書

經部

欽定四庫全書

經部

春秋平義卷二

詳校官監察御史

臣陳化龍

給事中

臣溫常綬覆勘

總校官原任中允

臣王燕緒

校對官中書

臣葉蘭

謄錄監生

臣任銜萱

欽定四庫全書

經部五

春秋平義

春秋類

提要

臣等謹案春秋平義十二卷

國朝俞汝言撰汝言字右吉秀水人是書成於康熙丙辰書中多引舊文其自立論無幾然自宋孫復以來說春秋者務以攻擊三傳相高求駕乎先儒之上而穿鑿煩碎之弊日生

自元延祐以後說春秋者務以尊崇胡傳為主求利于科舉之途而牽就附合之弊亦遂日甚明張岐然嘗作平文以糾其謬而去取未能皆允汝言此書亦與岐然同意而簡汰精審多得經意正不以多生新解為長前有自序謂傳經之失不在淺而在於深春秋為甚可謂片言居要矣此本為汝言原稿塗乙補綴朱墨縱橫其用心勤篤至今猶可想見

也朱彞尊經義攷載繆泳之言稱汝言研精
經史尤熟于明代典故嘗撰有宰相列卿年
表其詩古文名漸川集今皆未見蓋亦好學
深思之士所由與枵腹高談者異歟乾隆四
十三年三月恭校上

總纂官

臣紀昀

臣陸錫熊

臣孫士毅

總校官

臣

陸費

墀

春秋平義序

傳經之失不在淺而在於深春秋為甚以其筆削出自聖人必有不可測識之旨然後可以揆亂世反之正左氏以事求之叢記雜陳容飾盛而神理不居公穀胡氏諸儒以意測之探微索隱謹毛髮之細而其大體所在愈求而愈遠要其故不過二端曰春秋天子之事也聖人之刑書也以為天子之事可以進退百辟以為刑書而名稱日月無往非刀鋸斧鉞之用而聖人之意愈隱

汝言汎濶其中者有年初涉之而茫然再親之而華文
瓌辯可喜可愕而不忍釋數四讀之而得其指歸聖人
之筆削合乎人情宜乎時勢未嘗有矜奇異衆之舉而
時措咸宜無不協乎正直剛柔之德向之可喜可愕者
皆與聖人遠焉者也於是偏訪諸家著述輯成春秋平
義一十二卷其言皆出於儒先不入臆測一語使其言
足錄不以其人而棄之言不足錄亦不以其人而存之
務得其平而已夫知聖人之不遠於人而人亦不遠人

以求道而學術一矣而天下平矣寧獨春秋也哉丙辰
仲冬二十八日漸川諸生俞汝言識

欽定四庫全書

原序

欽定四庫全書

春秋平義卷一

秀水俞汝言撰

隱公

名息姑惠公之子母聲子夫人子氏姬姓侯爵自伯禽受封十一世在位一十一年謚法

才尸其位中隱

程子頤曰春秋魯史記之名也夫子之道既不行於天下於是因魯史立百王不易之大法平王東遷在位五十一年卒不能復興先王之業孟子曰王者之迹熄而詩亡詩亡然後春秋作適當隱公之初故始

於隱公

元年春王正月

元年者正始也春周時之春也王正月夏時之十一

月也

高攀龍
孔義

春正月者其舊文也疑若用夏正者書

王見正月之為子也

邵寶簡
端錄

繫王於春所承者天之

道所志者天子之事所紀者公之年不言即位有與

公疑位者也

羅喻義
野編

劉恕謂惠公愛少子立為太子

國人不與而立隱隱曰我將讓焉太子僅望十年不

獲而羽父弑隱於是桓曰隱攝也吾取之左氏信桓

之欺故曰攝公穀信隱之詐故曰讓黃震日抄昔無今有

者皆夫子所筆昔有今無者皆夫子所削也夫子之

筆始於書王夫子之削始於不書即位呂祖謙集解

三月公及邾儀父盟于蔑魯地凡邾公羊並作邾婁蔑公穀作昧私盟之始

公與曰公也何可三月無公盟書野編我所欲曰及公

攝位而欲求好於邾也儀父邾君之字也邾魯之附

庸中國之附庸例稱字孔義凡記會盟於王法所不得

為者皆貶若以結信於魯故得貴之則桓十七年盟

趙又何為乎

劉敞
權衡

夏五月鄭伯克段于鄆

鄭地

段不弟故不言弟如二君故曰克稱鄭伯譏失教也

謂之鄭志不言出奔難之也

左傳

于鄆遠也

穀梁

凡弟及

世子家事也目君大夫國事也繫國

野編

秋七月天王使宰咺來歸惠公仲子之賵

王室下交
諸侯之始

昔者夫子序書夏商周稱王春秋繫王於天則何以

異於書或曰為萬世之法也或曰不然於是有僭王者不天之繫則無以著無二之義也

簡端錄

國有疑於

公者決之曰公天下有疑於王者決之曰天王

野編

不

曰夫人曰惠公仲子者妾稱也

程傳

天子而贈妾母是

啓僭也

趙匡纂例

惠公仲子者惠公之仲子也桓之母也

或徵其手文曰衣

古文魯字

夫人也君子不言知其為仲

子而已矣贈曰仲子之贈宮曰仲子之宮 稱天而

王尊但稱王而王亦尊蓋春秋為天子之事豈得有

所褒貶於天子哉 惠公仲子公羊以為兼之是也

成九年之書僖公成風也亦然程子以惠公之妾為

惠公之仲子猶可以僖公之母為僖公之仲子則不

可

朱朝瑛讀春秋畧記

文九年秦人來歸僖公成風之襚傳曰

秦人弗夫人也知此宰咺來歸惠公仲子之賵王亦

弗夫人也故春秋亦弗夫人也其以夫人奉仲子失

在隱不在王也書之以正隱爾

野編

以改葬故所以厚

惠公也并歸仲子所以定桓公也

辨義

惠公之妾仲子

也左氏以為兼昭公與仲子故在公以為緩在仲子

以為豫仲子於是時蓋已卒矣君子信經

鄧寶左鵬

呂朴

卿有言曰春秋周大夫不名爵從其爵單伯劉子之類是也未爵稱字家父榮叔之類是也舍是無名者矣是故經書魯隱元年天王使宰咺來歸惠公仲子之睟書名而不書氏者士也桓四年天王使渠伯糾來聘書氏及字者卿大夫也僖七年天王使宰周公來聘書官而不名氏者三公也始使士繼使大夫終使

三公天子日微諸侯日強其情不甚明白哉

或問

九月及宋人盟于宿

參盟之始

惠公之季年敗宋師于莒公立而求成焉盟于宿魯志也稱及稱人皆非卿也

程傳

及宋人盟于宿隱公之

私也隱公之初魯猶強間於齊宋鄭之間相為依附然宋鄭不兩合而皆以齊為主齊為宋則附齊而援宋齊為鄭則附齊而援鄭既盟宋矣石門與艾之盟與齊鄭成而淪宋之盟隱公之私甚矣

蔡汝楠割記

經惡

私盟始于蔑慮參盟始于宿公七年伐邾十年伐宋

二盟尋畔坎牲加書寧足信哉

張溥傳斷

冬十有二月祭伯來

王臣私交之始

來書

野編

來朝也祭伯非王命而私交不與其朝也

孔義

先儒有王臣無外交之說非也天下有道諸侯順軌

豈有內外之限其相交好乃常禮也然委官守而遠

相朝無是道也周禮世相朝謂隣國爾

程傳

公子益師卒

衆仲

大夫卒書

野編

公子益師孝公之子日稱公子公子故

使為卿也或日或不日因舊史也古之史記事簡略

日月或不脩春秋因舊史有可損而不能益也

鄭傳

朱子曰春秋一發首不書即位即君臣之事也書仲

子嫡庶之分即夫婦之事也書及邾盟朋友之事也

書鄭伯克段即兄弟之事也一開首人倫便盡在

二年春公會戎于潛

春秋之始亦外交之始會戎于潛春秋之始會吳于黃池春秋之終

會書

野編

周衰戎狄雜居中夏魯有疆場之交不得不

會之也

戴溪

諸侯非有天子之事不得出會諸侯況會

戎哉

孫復發微

夏五月莒人入向

入國之始

入書向國也

野編

莒子娶于向向姜不安莒而歸莒人

入向以姜氏還

左傳

書人微者也

程傳

入者得而不居也

公羊

無駭帥師入極

駭

穀作倭大

夫專兵之始

極國也

野編

無駭不氏未賜族也書帥師用大衆也非

王命而入人國邑見諸侯之不臣也

胡安國傳

秋八月庚辰公及戎盟于唐

魯地盟戎狄之始

潛之會猶請盟而辭復與之盟益非義矣

孔義韓愈言

春秋謹嚴君子以為深得其旨何謹乎盟于唐而書

日謹之也

胡傳

九月紀裂繻來逆女

裂繻公穀作龜繻

冬十月伯姬歸于紀

內女嫁書

野編

內女嫁為諸侯夫人則書逆書歸明重

事也先儒謂諸侯當親迎親迎者迎於所館故有親御授綏之禮豈有委宗廟社稷遠適他國以逆婦者乎詩稱文王親逆于渭未嘗出疆也程傳為來逆非卿又為叔姬待年而書也胡寧通旨

紀子帛莒子盟于密

莒邑公穀作子伯此外相盟之始

闕文也

程傳

子帛杜預以為履繻之字春秋無大夫在

諸侯上者此必紀侯莒子也紀迫于齊而與于莒故相盟天下無主則小國不安而齊人滅紀之端見矣

季本私考杜氏以為杞子紀字誤昭公四年莒人以牟婁

奔魯則為魯近矣杞此時尚未遷緣陵也自此以前

因莒人入向而魯為莒紀盟于密以聯其交自此以

後八年公與莒人盟于浮來以成其外皆可佐證

辨義

十有二月乙卯夫人子氏薨

穀梁謂隱之妻以不書葬知為君夫人蘓轍謂桓公之母仲子也特立之廟而不祔故不書葬黃震以歸仲子之賵卒應在隱前按後考仲子之宮為桓之母

無疑

鄭人伐衛

諸侯專征伐之始

伐書

野段之亂公孫滑出奔衛衛人為伐鄭取廩延

鄭人既以王師號師伐衛南鄙矣今復擅興師何為

乎

孔義

三年春王二月己巳日有食之

事在二月則書王二月在三月則書王三月無事則

書時書首月日有食之有食之者也

程傳

異書言日不

言朔食晦日也古之為歷者食朔則朔食晦則晦謂之平朔今之為歷者雖晦也必移之朔謂之定朔故

後世無食晦者

野編

經書日食三十六其行有常度矣

然每食必書示後世治歷明時之法也有常度則非

異矣然每食必書示後世遇災而懼之意也

胡傳

曷為

或日或不日或言朔或不言朔曰某月某日朔日有

食之者食正朔也不言日夜食也不言朔朔在前也

不言朔與日朔在後也

蘇轍

長歷推己巳實是朔日而

不書朔史失之也

左疏

三月庚戌天王崩

平王崩孫桓王立

崩上墜之形四海之內皆當奔赴魯君不往罪不書

而自見也

程傳

天王崩魯不會葬者凡七諸侯皆然當

是時誰歟伯者謂之尊王不亦愧乎

邵寶

春秋歷十有

二王桓襄匡簡景志崩志葬者赴告及魯往會之也

平惠定靈志崩不志葬者赴告雖及魯不會也莊僖

頃崩葬皆不志者王室不告魯亦不及也

胡傳

夏四月辛卯君氏卒

君公穀作尹

聲子也隱公將不終為君故不稱夫人不稱子氏而稱君氏何也哀公之母曰如氏卒哀未君也隱既君矣不稱子氏而稱君氏著其君也公羊穀梁曰此尹氏也天子之大夫也天王崩為魯主故卒之王子虎劉卷皆天子之大夫也其卒未嘗不名其曰尹氏而不名非尹氏也蓋君氏也

據任氏

曰聲子也謂君氏

猶言寡小君也王公謂君之母氏謂如經之稱夫人

氏傳稱君姬氏之類

通說

以夫人禮成仲子之喪則聲

子猶娣姪也娣姪之喪史不書策於是以吾君之喪其母不可不書史法適夫人喪不用夫人禮亦書某氏卒如妣孟子是也而聲子獨稱君氏禮妾為女君之黨服攝為君則不為女君之黨服聲子以攝女君之貴異乎衆娣姪女君稱小君則攝如君得稱君氏故特書君氏卒以明聲子繼室之為正惠公再娶

之非禮

趙汴屬辭

秋武氏子來求賻

來求之始

武氏子者天子之大夫也其稱武氏子何也未畢喪孤未爵而使之非正也不言使桓未君也歸死者曰賻歸生者曰賻歸之正也求之非正也周雖不求魯不可以不歸魯雖不歸周不可以求之

蘇轍

木訥趙氏

曰凡書求賻求車求金皆誅諸侯不貢而天下無王也尚何責天王哉先師宗諭王貫道嘗言周凡三求求賻以平王崩求車以桓王將崩求金以襄王崩皆

以喪事之有闕賻贈之不供也魯不盡臣子之職致

周王下求謂魯秉周禮可乎

日抄

八月庚辰宋公和卒

穆公卒弟
瑒公立

諸侯卒書葬書

野編

崩薨者臣子之尊稱故外諸侯稱

卒以別內也

孔義

凡諸侯同盟名於載書朝聘會問皆

以名通故卒則書名不然則否左氏曰諸侯同盟死

則赴以名禮君薨赴於他國曰寡君不祿臣子而名

其先君非禮也

蘇轍

冬十有二月齊侯鄭伯盟于石門

外諸侯特相盟之始

齊鄭之交始此

義孔

齊鄭為一當時未有伯各於其黨

野書此為艾之盟張本

趙木

外特相盟不書必關於

天下之故而後書莒紀無足道也齊鄭合天下始多故矣天下之無王鄭為之也天下之無伯齊為之也是故書齊鄭盟石門以志諸侯之合書齊鄭盟于鹹以志諸侯之散是春秋之終始也春秋於隱桓莊之際唯鄭多特筆於襄昭定哀之際於齊多特筆焉

陳傳

良後
傳

癸未葬宋穆公

穆公穀作繆

諸侯告喪魯往會葬則書

程傳

四年春王二月莒人伐杞取牟婁

伐國取邑之始

外取邑書內取邑書

野編

諸侯相伐取地於是始取者

收奪之名

孔義

趙鵬飛曰莒入春秋首加兵于向今天

弱杞而攘其邑然至昭五年莒牟夷卒以牟婁來奔

戴溪曰徒為叛人之資耳

日抄

戊申衛州吁弑其君完

桓公此書
弑之始

不稱公子身為大惡絕之於其先君也其又有以屬
稱者或過其親之以啓亂或見其以親而反讐事同
詞異各有義而不可例拘

孔義本
程傳

夏公及宋公遇于清

衛地書
遇之始

遇書魯宋為一

野編

古有遇禮以待不期之會亦相期

也而同于不期之簡故書曰遇及者內為志也

孔為義

衛謀也

日抄

宋公陳侯蔡人衛人伐鄭

諸侯會伐之始亦東諸侯分黨之始於是齊鄭一黨也魯

宋陳蔡衛一黨也東諸侯分黨而天下始多故矣

衛使宋為主使大夫將故序衛人於陳蔡之下

服虔

宋殤不誅弑君之賊不念穆公舍其子而立已反以馮

在鄭從州吁伐鄭故是役也首謀在衛而以宋主

兵

義

不見人伐衛衛乃伐人耶衛風云從孫子仲平

陳與宋主兵者州吁將者公孫文仲也宋公為之與

夷宋之完也

野編

秋翬帥師會宋公陳侯蔡人衛人伐鄭

大夫專將之始

宋公使來乞師公不義州吁而辭焉公子翬請以師

會之公弗許固請而行

蘇氏

羽父我之州吁也亂者治

矣治夫與於亂者也與於亂者治而亂者其孤矣

野編

九月衛人殺州吁于濮

陳地州穀梁作祝

稱衛人衆詞也舉國殺之也

程傳

伐鄭稱人責詞也殺

州吁稱人衆詞也伐鄭之役公孫文仲為主將而稱

人則是指國人聽州吁號令從文仲而南行者也故

曰責詞其殺州吁則石碯謀之而使右宰醜蒞之稱人則是人皆有欲討賊之心亦夫人之所得討也故曰衆詞于濮者憫衛國之人著諸侯之罪也以討賊許衆人以失賊罪隣國胡傳吁二月弑君九月方討為期也久傳者尤有不足之詞焉其得久者由宋魯陳蔡助之胡傳罪鄰國有以哉傳斷

冬十有二月衛人立晉宣公

以衛晉推之宋御說晉黑臀周宜無不書於策者何

也黑臀也周也皆立於弑君者御說定意於國人故
皆削不書與國伐鄭以定州吁而天子不能正故特
書立晉以著衛人討賊立君之義於天下結正五國
輔篡之罪也陳氏曰必若衛人討賊而後可書立是
也屬殺州吁曰衛人立晉亦曰衛人抑何以異吾聞
亂臣賊子人人得而誅未聞國君人人得而立之也
此其所以異也鄆濮陳地也請泣於衛故曰衛人殺
之也晉自當立立晉者誰耶故曰衛人立之也比於

蔡人殺陳佗則陳有佚賊比於齊人殺無知則齊無

立君天下後世知衛有人焉已矣

野編

五年春公矢魚于棠

天公穀作觀魯地

君舉書觀魚非事也

野編

夏四月葬衛桓公

十四日而葬

討賊而始葬魯往會故書

孔義

秋衛師入郕

公作盛

衛之亂郕侵衛今故入郕

左傳

郕被隣國之兵自衛始

至十年齊鄭連兵入邲莊八年公及齊師圍邲而邲降於齊文十二年邲伯來奔自此不復見於經國遂

滅矣

木訥

九月考仲子之宮初獻六羽

考者始成而祀也諸侯不再娶孟子入惠公之廟仲子無祭享之所為別立宮以祀之因其來賁而正名之曰仲子之賁因其考宮而正名之曰仲子之宮而夫人衆妾之分定矣初獻六羽者始用六佾也不謂

之侑而曰羽者羽以象文德婦人無武事故謂之羽
而不曰侑也傳八侑用宗廟久矣而不自知其僭也
至於考仲子之宮而用六羽春秋書之幸之也而有
遺憾焉諸侯之妾之用六羽猶諸侯之用八也簡端錄

邾人鄭人伐宋

宋人取邾田故邾人請於鄭以伐之凡班序上下以
國之大小而盟會征伐以主者先邾小而先鄭主兵
也蘇轍蓋事有輕重而大夫之會必以其班非有故不

得以微者往其以微者會則大國大夫下於次國之卿若溫之盟陳子序鄭人下是也次國大夫下於小國之卿邾人鄭人伐宋是也先儒謂小國主兵序大夫之上者非屬辭

螟

螟書螽書有蝥書有蜚書多麋書蛭生書石書鷄書

鸛書麟書害者災不害異

野編

詩去螟螣害稼也春

秋書螟記災也國之大事故書

胡傳

冬十有二月辛巳公子彊卒

臧僖伯

書日見恩禮之厚

胡傳

宋人伐鄭圍長葛

書圖之始

書圍志暴也

孔義

六年春鄭人來渝平

公穀作輸平

公之為公子也與鄭人戰於狐壤止焉故與宋為黨

修怨於鄭邾鄭伐宋入其郛宋來告命使者失詞欲

救而止鄭人遂乘隙而輸平也和而不盟曰平

蘇轍

變也平成也六年春以前清之遇宿之盟我成於宋

六年春以後艾之盟防之會我成於鄭局於此一變

野編輸平者以利相結解怨釋仇離宋魯之黨也後此

使宛來歸祊而魯入其地會鄭人伐宋得郕及防而

魯又取其二邑是知以利相結也

胡傳

夏五月辛酉公會齊侯盟于艾

齊地齊魯
交好之始

始平于齊也

左傳

前此魯未嘗與齊交因鄭輸平之後

而公始與齊盟蓋皆鄭莊之謀也

吳澂
纂言

秋七月

此無事何以書春秋編年四時具而後為年也

野編

冬宋人取長葛

圍其邑周一歲而取之

孔義

七年春王三月叔姬歸于紀

書叔姬賢之也

蘇轍

娣歸不書閔其無終也

程傳

為有歸

於鄫一事不容不書

野編

滕侯卒

不書名史闕也

程傳

諸侯卒不同盟者五十二人不書

名者九人餘皆書名

陸氏纂例

不書葬者急於禮而不往

弱其君而不會也

夏城中丘

書土功之始

國之大役城書築書時亦書不時亦書

野編

凡用民力

雖時且義必書見勞民為重事也僖公修泮宮復閼宮非不用民力也而不書二者為國之先務乃所當用也人君知此則知為政之先後輕重矣凡書城完

舊也書築創始也

程傳

中立近宮為城以脩之且為向

之外應也

私考

齊侯使其弟年來聘

列國來聘之始

聘書

野編

先儒母弟之說蓋緣禮文有立嫡子同母弟

之說其曰同母弟蓋謂嫡爾非以同母為加親也若

以同母為加親是不知人理也

程傳

鄭語來盟黑背帥

師皆罪其私也陳光奔楚而稱弟盜殺衛絜而稱兄

秦鍼宋辰皆責其薄也

胡傳

以弟為貶可施於陳光秦

鍼宋辰然段何以不弟也以不弟為無貶可施於許
叔蔡季然盼與鱗何以弟也且夫年之弟也為有公
孫無知也以病齊僖黑背之弟為有公孫剽也以病
衛定逆探於後追論於前於文太深於事無据夫義
繫於聘直云結父之盟足矣

野編

秋公伐邾

伐邾之始

為宋討也渝蔑之盟矣

孔義

冬天王使凡伯來聘

天王下聘之始

戎伐凡伯于楚丘以歸

戎患

始之

春秋書天王下聘者凡八責諸侯不朝而坐受天子之聘也 國而曰伐此一人而曰伐天王使來聘而戎伐之書之以罪魯也穀梁以為衛楚丘考之衛楚丘自在河北周在河南是時河未南徙魯亦在其南也從魯至周不宜由衛左傳魯有卜者楚丘之父蓋以地為氏者則魯亦有楚丘也

畧記

八年春宋公衛侯遇于垂

宋衛為一

野編

齊將為鄭平宋衛有會期矣而宋衛先

為垂之遇者有私謀也有意於從齊黨而無志於釋

鄭憾也

孔義

三月鄭伯使宛來歸祊庚寅我入祊

公穀作師

魯有朝宿之邑在王畿之內曰許鄭有湯沐之邑於泰

山之旁曰祊時天子不巡狩魯亦不朝故欲以祊易

許田各取其近者前此來輸平以言請之矣至是始

入地也入者內弗受也

程傳

宛之不氏鄭大夫之未賜

族者也

蘇氏

不結祊成隱之善也

野編

用是見鄭有無君

之心而謂天王不復能巡狩矣用是見鄭有無親之

心而敢與人以先祖所受之邑矣

胡傳

魯初睦宋齊恐

魯助宋故為鄭求魯不應反為宋伐邾故歸祊魯得

祊而始奉社稷以從

林訥

鄭伯利在得許田故先使人

歸祊為異日取許田之地隱不悟其計受而有之自

鄭人輸平之後魯多墮鄭計而不自知

岷隱

夏六月己亥蔡侯考父卒

宣公

卒桓

侯封人立

辛亥宿男卒

蔡未通而名者蓋通於惠公之世也宿嘗通矣其不

名失之也

蘇轍

秋七月庚午宋公齊侯衛侯盟于瓦屋

周地參盟之始

齊鄭方合宋欲間之盟齊不盟鄭

野編

宋衛一黨也齊

鄭一黨也鄭莊挾齊自強齊僖特假鄭以糾合不逾

年會防謀伐宋矣要盟何益哉

孔義本私考

參盟者無王

之盟也非以三國為限也但始於宋齊衛之三國故

相承以為參耳

後傳

八月葬蔡宣公

諸侯五月而葬宣公卒兩月耳不及期簡也

孔義

九月辛卯公及莒人盟于浮來

浮公穀作包好莒之始亦魯君特會外大夫之

始

可言公及人不可言公及大夫

梁穀

非大夫敢盟公公

自欲與盟耳特書公所以譏公之失禮明非大夫之

事也

陸淳纂例

莒雖小國而入向伐杞能為魯患故七年

城中丘以脩之至是復屈己要盟於其地

孔義

蝨

冬十有二月無駭卒

駭穀作倭展氏

公孫之子與異姓之臣未賜族而身為大夫則稱名
無駭挾之類是也已賜族而使之世為大夫則稱族
如仲孫叔孫季孫之類是也

胡傳

九年春天王使南季來聘

天王之使至魯者於此而三魯無一答詳王使所以

著隱罪也

傳斷

三月癸酉大雨震電庚辰大雨雪

雨暘之變甚者書

野編

不時災也非常為大亦災也

程傳

三月夏之正月也雷未可以出電未可以見而大震電此陽失節也雷以出電以見則雪不當復見而大

雨雪此陰氣縱也凡失其度人為感之也

胡傳

挾卒

公穀作使

夏城郎

書不時也

左傳

郎邇宋城郎將為鄭伐宋也

孔義本

木訥

秋七月

冬公會齊侯于防

公作邠

謀伐宋也左氏曰鄭伯以王命討宋之不王豈其然

乎假此以誑齊魯耳

孔義

十年春王二月公會齊侯鄭伯于中丘

為師期也

程傳

防之會魯始與齊謀伐宋之舉至中丘

之會復偕鄭合謀而決出師之期經傳錄之著伐宋

之兵所由合也

汪克寬纂疏

夏翬帥師會齊人鄭人伐宋

三國先遣將致伐齊鄭稱人非卿也

程傳

三國會伐宋

吾所知也宋公不王鄭伯以王命討宋於傳有之經
無是也且鄭伯安知有王鄭伯而知有王螫弧之旗
魚麗之陳奉辭四伐為政於天下可也何為與虢公

爭政哉

野編

六月壬戌公敗宋師于菅

宋地

辛未取郕辛巳取防

魯於宋本無纖芥之隙徒以歸衎之故為鄭伯所役

輦既帥師會二國公復自出奇兵以襲人之虛而取其二邑春秋書日所以著其暴辭婉而義見者也

家鉉

翁傳

秋宋人衛人入鄭

宋又連衛以報鄭鄭幸管之敗而不脩故師還及郊

宋衛已乘其虛而入之矣

高閌集註

宋人蔡人衛人伐戴鄭伯伐取之

戴公作載

宋人衛人入鄭蔡人從之伐戴鄭伯圍戴克之取三

師焉戴鄭所與也故三國伐之鄭戴合攻取三國之

衆

程傳

蓋戴已授其繹開之於宋鄭揆其不脩攻之於

後故一舉而取其師

通說

羅喻義曰入隱之篇大抵皆宋鄭事也宋自瑒公立
開怨於鄭傳所謂十年十一戰也起隱之四年宋公
伐鄭一輩會宋公伐鄭二邾人鄭人伐宋三圍鄭長
葛四取長葛五輩會齊人鄭人伐宋六敗於菅七取
郕八取防九入鄭十伐戴十一而宋自此病矣難發

於州吁衛之亂易於宋當其起也惟公子馮之求及其病也不中於在外之亡人而中於在近之逆人齊鄭同謀者也陳蔡衛親宋者也入郛以前我附於宋渝平而後我講於鄭取郛歸我取防歸我其入許也又讓於我鄭之奉我至矣來即我謀爾

冬十月壬午齊人入郛

公作威

討不會伐宋也

程傳

郛衛所與也而齊鄭入之

集註

齊僖

與鄭同志今年入郛明年入許其後如紀惟以窺伺弱

小為事爾

野編

十有一年春滕侯薛侯來朝

諸侯朝魯之始

朝書

野編

諸侯雖有相朝之禮而當時諸侯皆不朝王

獨朝魯可乎滕薛二君不特言者又譏旅見也

程傳

夏公會鄭伯于時來

時來公穀作祈黎鄭地

謀伐許也

程傳

秋七月壬午公及齊侯鄭伯入許

書會伐許者鄭志也書及入許者公所欲也

胡傳

閭闔正曰隱桓二十年間事皆以鄭莊為綱魯隱半
生全被鄭莊播弄

冬十有一月壬辰公薨

不地不葬知其有變也然春秋之意在元年不書公
即位矣春秋不言即位者其皆有故乎莊閔僖不言
即位故在前也隱不言即位故在後也野編不書葬不

成喪也

集解

歐陽修曰魯隱南面而治其國君其吏民者十餘年

死而入廟立謚稱公則當時魯人孰謂息姑不為君也孔子修春秋凡與諸侯盟會行師命將一以公書之於其卒也書曰公薨則聖人何嘗異隱於他公也左氏何從而知其攝耶

黃震曰隱公春秋之初也春秋之初未有伯也而伯之漸已萌蓋是時惟齊為大國惟魯為望國齊以黨鄭伐宋魯以受鄭祊田忘鄭之讐而從齊故前乎此惟兩君相會至此而諸侯參會矣前乎此惟敵國相

攻至此連諸侯伐宋矣故曰伯之漸也向使齊不私
於鄭而務使宋鄭相安魯不貪鄭之賂而不遽從齊
天下其庶乎然則伯之萌齊僖之為而魯隱助之也

春秋平義卷一

欽定四庫全書

春秋平義卷二

秀水俞汝言撰

桓公

名軌史記名允惠公子隱公弟母仲子夫人文姜在位一十八年諡法辟土服遠曰桓

元年春王正月公即位

繼故不言即位先君不以其道終子弟不忍即位也

繼故而言即位則是與聞乎弑也

孔義

隱不求為君不

書即位桓求為君書即位隱不書即位不害其真也

桓書即位不害其偽也

野編

穀梁有桓無王之說竊以

夫子於繼隱之後而書公即位則桓之志見矣奚待去

其王以為貶耶

顧炎武
日知錄

三月公會鄭伯于垂

衛地

鄭伯以璧假許田

欲求好者公也欲田者鄭也為此會也此其以璧假之與曰否以祊易之易之則其言假之何鄭人之辭也知為賜田不可易也則亦書曰璧假許田可以解魯可以諱周可以甚鄭伯之為野編諶隱公於宛來歸祊特欲昭魯以借其力為離宋計耳未嘗有易許之

萌令桓立而輒以許田假之蓋扼其吭而挾取之也

謂以璧者庶乎有詞且曰請復祀周公借是為義而

要之也

馬駢探微

加璧焉鄭伯必得之計也非祊薄於許

也邵歸祊後復書我入祊重取地也假許後不書以許

歸鄭重失地為內諱也

黃澤補註

夏四月丁未公及鄭伯盟于越

近垂地

祊成已結假不反矣

野編

上書會所以惡鄭下書及所

以惡魯

王氏箋義

秋大水

書水災之始

災書

編野

書時不書月則水之泛溢為害蓋歷時而未

平也

纂疏

春秋書大水凡九魯居其八其一言宋抄

冬十月

二年春王正月戊申宋督弑其君與夷及其大夫孔父

殤公弑莊

公馮立

人臣死君難書及以著其節稱大夫不失其官也

程傳

孔父先死曰及何也穀梁曰書尊及卑春秋之義也

義孔父與甫通孔父字嘉猶杜甫之字美也略記

滕子來朝

杞最小初稱侯已稱伯稱子滕亦小初書侯已書子蓋弗給於朝觀貢賦自降為子聖人因其實而書之

孔義本
朱子

按滕初稱侯後稱子以為自降可也杞初稱

侯後稱伯又稱子繼復稱伯卒又稱子其升降不一者於前說難通矣則惟時王黜陟之說為可從二邾自附庸升而為子說者以為數從齊桓故為請於王

命為諸侯王能升二邾獨不能降滕杞乎

記畧

三月公會齊侯陳侯鄭伯于稷以成宋亂

稷地宋

為賂故立華氏也會未有指言所事指言所事特書

也

孔義

諸侯以宋有弑君之亂而往平之耳後書取鼎

於宋而討賊之事無聞焉則其義自見

或問

夏四月取郕大鼎于宋戊申納于太廟

取者得非其有之稱宋始以不義取之故係其器於
郕賂公者宋也而書曰取蔽罪於魯也以成亂之賂

器置周公之廟公其受之乎

義孔

前書成宋亂兼責四

國也此書取郃鼎納于太廟專責魯也

家氏傳

秋七月杞侯來朝

公穀作紀

蔡侯鄭伯會于鄧

懼楚之始

會於鄧謀楚也春秋微言之以示入蔡伐鄭之漸不

惟不言楚併不言荆用見中國無人不能制之於早

爾

野編

春秋之初諸侯盟尚少也自是而後則漸衆矣

伯興而世道降其可見於是乎

簡端錄

汪氏纂疏曰于鄧外諸侯相會之始而實楚惠之萌
藥北杏外諸侯列會之始而實霸者之濫觴其關於
天下之故不小矣

九月入杞

公穀
作紀

左氏曰討不敬也 七月來朝九月入杞何也曰七

月來朝杞侯當作紀侯程子已言之矣

或問

公及戎盟于唐

冬公至自唐

書至
之始

出告反至常事爾何以書或以去國踰時之久或以
會盟侵伐之危或以黨惡附姦之罪唐之至危之也
弑君之賊使戎而不如鄭齊陳之黨惡則討之矣

義孔

本程
傳

三年春正月公會齊侯于贏

地齊

不書王闕疑

義孔

不書王者孔子循史之舊文而非削

也若以削王為罪天王不討賊則是仲尼貶周天子
矣其尊周正統之意安在哉

探微

會于贏左氏曰成昏

於齊也冬娶齊急於得齊以固齊援也

訥

夏齊侯衛侯胥命于蒲

衛地

胥命者何相命也相命近正也古者不盟結言而退

公隱八年齊欲平宋鄭十年齊從鄭伐宋而衛亦從

宋入鄭齊衛不過各附其所與實未常有怨至桓二
年遭華督之禍而衛其所附齊鄭會於稷以成宋之
亂而宋已附於齊無仇可解何俟乎盟故書曰胥命

耳

訥

六月公會杞侯于郕

魯地公穀作紀郕公作威

杞本侯爵諸傳必欲易之為紀者以桓六年夏四月亦有公會紀侯於郕之文故並二而一之也至十二年曲池之會與莒子之盟者猶書杞侯之子靖侯也終桓之世凡三見稱侯不異至莊二十有七年始稱

伯非因桓公而貶也

微探

秋七月壬辰朔日有食之既

推歷當為八月

日食三十六食既者三皆臣子僭逆夷狄暴橫之兆

此年而後荆楚僭王鄭敗王師宣八年而後楚莊圍

宋伐鄭伐晉襄二十四年而後齊崔杼衛甯喜弑君

吳楚橫行中國

汪氏

公子翬如齊逆女

逆女書公子翬則是隱以為仇桓以為親也

野編

九月齊侯送姜氏于讙魯公會齊侯于讙夫人姜氏至

自齊

越竟送女非禮也

孔義

將以何稱非女非婦則姜氏而

已矣公往會之

野編

為齊侯爾非為親迎也以輦往而

不言以至者公親受之齊侯也

孔義

桓公失禮兆敝筭

之刺於是見之

傳斷

冬齊侯使其弟年來聘

致夫人也桓娶夫人書之者數春秋惡文姜之終不

得不詳其始

傳斷

有年

謂桓不當有年為異而書則螽與大水無冰皆當為

桓之常又何為書春秋豈專記人之凶荒而不幸人之豐熟哉各書其實爾日抄蓋有感也幸祈民之未殄

賴有是年以生養之不然則靡有孑遺矣探微

四年春正月公狩于郎蒐狩之始

狩不書于郎遠也野編郎今之單父魯臺土也地近宋

昭九年築郎囿木訥

夏天王使宰渠伯糾來聘

詩曰家伯維宰仲允膳夫宰與膳夫作對其官可知

而或以為冢宰吾不知也經書宰咺宰孔惡冢宰而穀兼使職必無是也

是年及七年不書秋冬史之闕文

野編

五年春正月甲戌

脫文

陸淳

長厯甲戌前年十二月二十一日

杜預

先儒疑

下有陳佗殺太子一事

木訥

己丑陳侯鮑卒

桓公卒陳佗弑太子自立

左傳再赴也公穀曰甲戌之日亡己丑之日死而得

故以二日卒之俱不可信

夏齊侯鄭伯如紀

外相如不書何以書襲紀也野編紀人來告存而弗削

以著齊人滅紀紀侯去國之由胡傳

天王使仍叔之子來聘仍叔作任

仍叔之子弱也左傳四年天王使宰渠伯糾來聘今又

使仍叔之子桓固魯賊周何親之也至及觀伐鄭然

後知王屢聘魯謀鄭故也魯桓宋督俱未暇討反遣

使入魯蓋欲專圖鄭也

傳斷

葬陳桓公

城祝丘

齊將襲紀公欲助紀而畏齊故城以脩之

程傳

秋蔡人衛人陳人從王伐鄭

王師敗績于緇葛不書書蔡人衛人陳人從王伐鄭
逆中取順法也王師敗績於茅戎何以書茅戎戎也
鄭諸夏也矢集王躬天下寧有是事從王正也伐鄭

鄭伯之有罪明矣

野編

大雩

書大雩之始

旱也雩而雨雩而不雨旱

野編

魯諸侯而郊禘大雩歲

以為常不能悉書故雩以非時而書

孔義

簡端錄凡王所建皆曰太太廟太學之類是也凡王所舉皆曰大大蒐大閱之類是也魯謂魯可行之乎

冬

鉉公作螻

冬州公如曹

外相如不書何以書違祀難也

野編

州河內地邑名也

張洛州公嘗為三公

程子

六年春正月寔來

杜註寔實也名曰如曹實來魯也在公穀俱不言州

公之名胡傳獨以為名不知何據

賀仲軾
歸義

言寔來者

承上文也州公一出而私交二國徃外曰遂內來曰

寔皆兼事之辭也

統紀

此來者州公遂不復矣州公存

其來紀侯表其去蓋謹志之也

野編

夏四月公會紀侯于成

公穀作邾魯地

諮謀齊難也左

秋八月壬午大閱

書大閱之始

簡車馬也懼齊鄭故孔義盛夏大閱妨農害人無事而

為之妄動也有警而為之教之不素得以保其國乎程傳

蔡人殺陳佗厲公躍立

佗者殺世子自立者也公子躍者蔡出也為立躍也

以為誘之則自送也以為故侯君位未定故曰蔡人

殺陳佗

野編

淫獵乎蔡人不知其是陳君也而殺之

穀梁

蔡侯殺之而書蔡人天下之大惡人皆得而誅也

孔義

九月丁卯子同生

君嫡子生以太子生之禮舉之則史書之

啖助

冬紀侯來朝

欲公請王命求齊成公告不能

七年春二月己亥焚咸丘

劉氏曰咸丘邑也火田而咸丘焚也王貫道曰咸丘

即鉅野郎之近地抄

夏穀伯綏來朝鄧侯吾離來朝

穀鄧何為者比於介即則稱爵比於滕薛則稱名蓋

是時東南有偽王者故相拔而來後亦改事楚矣野編

穀鄧皆在南陽越蔡許陳曹宿邾而朝於魯蓋為楚

所逼失地而奔不見容者懼楚也至魯遠於楚故朝

於魯以失地故書名終春秋不復見於經意其滅於

此也

木訥

八年春正月己卯烝

烝不書以五月丁丑烝書

野編

天王使冢父來聘

至是三聘矣

孔義

高抑崇曰謀納后也

辨義

夏五月丁丑烝

黷祀也志不敬也

孔義

秋伐邾

冬十月雨雪

建酉之月未霜而雪書異也

程傳

祭公來遂逆王后于紀

書遂始此

天子娶后當使同姓諸侯主其辭命祭公逆后于紀

使我主其禮也

劉敞權衡

祭公至魯遂往逆后此天王之

命非祭公自為之紀魯甥咨謀于魯而行

戴溪

齊將滅

紀魯勢不能茫紀於是而為之謀俾納女于王托王

為重焉祭公因不及命而遂逆王后也齊侯繼此不

復犯紀襄公始滅紀納女亦延紀數年

木訥

桓王取后

于紀命魯主昏嘗使家父來聘則其事前定矣既已
納幣契成故祭公來受辭于主昏而往逆后于紀皆
禮之宜也天子不自主故祭公不稱使成使于我故

言遂屬

辭

九年春紀季姜歸于京師

其稱紀季姜何自我言紀也父母之於子雖為天王

后猶曰吾季姜

公羊

自逆者而言從天王所命而稱王

后示天下之母儀也自歸者而言從父母所子而稱季

姜化天下以婦道也

胡傳

夏四月

秋七月

冬曹伯使其世子射姑來朝

諸侯相朝正也有故而使世子攝事蓋禮之變也

蘇轍

朝不言使明年曹伯終生卒為射姑地也有曹伯之

使則可

野編

十年春王正月庚申曹伯終生卒

桓公卒子莊公射姑立

夏五月葬曹桓公

秋公會衛侯于桃丘弗遇

衛地

衛侯失信也衛中變而從齊鄭于是乎有郎之師

孔義

冬十有二月丙午齊侯衛侯鄭伯來戰于郎

鄭太子忽救齊敗戎師于是諸侯之大夫戍齊齊人
餽之使魯為之班魯以周班後鄭鄭忽怒故以齊衛
來戰于郎稱來戰無詞也鄭雖主兵而先書齊衛猶
以周班正之也

蘇氏集解

王明逸曰魯以周班後鄭事已

久遠累所由來必更有他事是時齊方圖紀而鄭助

之其嫌魯也蓋以紀故與

畧記

十有一年春正月齊人衛人鄭人盟于惡曹

此郎之諸侯戰未得志故盟爾

野編

夏五月癸未鄭伯寤生卒

莊公卒世子忽立是為昭公

鄭莊一時之雄也射王陷弟害隣謀立宋莊身沒未

幾而世嫡出奔庶孽奪正國內大亂為宋莊反噬為

不善者可以鑒矣

孔義

秋七月葬鄭莊公

三月而葬

九月宋人執鄭祭仲

書執之始

稱字非賢之也尊王命貴正卿著其罪而深責之也突歸于鄭

突不稱公子不可以有國也曰歸易辭也以祭仲易

惡祭仲也

孔義

鄭忽出奔衛

書奔之始

忽以國氏正也不能有其位故不爵

伊川經說

柔會宋公陳侯蔡叔盟于折

大夫會盟諸侯之始

內大夫會外諸侯盟始此

義

于折于夫鍾于闕于穀

丘于虛于龜大抵為平宋鄭也前年成宋亂今復成

鄭亂耶宋人辭平而始改從鄭為武父之盟為宋之戰及宋以諸侯伐鄭太宮之椽不保公亦不能救也

謀之數年竟成何事

野編

公會宋公于夫鍾

地郕

冬十有二月公會宋公于闕

地魯

鄭忽嘗救齊伐魯今突入鄭而忽出奔故魯桓拳拳

黨鄭者欲固突而拒忽爾

日抄

十有二年春正月

夏六月壬寅公會杞侯

公穀作紀

莒子盟于曲池

魯地公作歐蛇

秋七月丁亥公會宋公燕人盟于穀丘

宋地即句瀆之丘

燕人姑姓非北燕也

野編

八月壬辰陳侯躍卒

厲公卒莊公林立

公會宋公于虛

公作邾

冬十有一月公會宋公于龜

虛龜皆宋地 黃正憲曰按桓夫鍾之會是宋欲親

魯伐鄭故數會于魯地宋為之也此虛龜之會是魯期于宋鄭公不愛平故數會于宋地魯為之也

丙戌公會鄭伯盟于武父

鄭地

棄宋即鄭野編鄭伯突也突篡其兄而立春秋以君許

之不沒其實也雖君而實篡雖篡而實君皆因其實而已不然不能君也衛州吁陳佗是也孔義君臣六

會而宋不許平辱甚矣於是遂有武父之盟

蘇轍

丙戌衛侯晉卒

宣公卒惠公朔立

日同而地異故兩書焉即書者紀事之職追書者承赴之本

邵寶

按石經衛侯晉卒在盟于武父之前衛上有丙戌二字穀梁傳誤簡於此

辨義

十有二月及鄭師伐宋丁未戰于宋

來戰者罪在彼戰于郎是也往戰者罪在內戰于宋

是也

孔義

十有三年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績

以為鄭與宋戰者左氏也公羊謂宋與魯戰穀梁謂紀與齊戰趙匡考據經文內兵則以紀為主而先於鄭外兵則以齊為主而先於宋獨取穀梁之說然十年齊侯衛侯鄭伯來戰於郎主兵者鄭也隱四年宋公陳侯蔡人衛人伐鄭主兵者衛也此紀先於鄭未必為內兵主也齊侯序宋公上終春秋之世此齊先

於宋未必為外兵主也紀雖畏齊固當從我吾從左

氏野編

三月葬衛宣公

既與衛人戰曷為葬宣公恕不棄義恕不廢禮古人
以葬為重也衛宣未葬朔乃即戎從古行事據事直
書而自見孔義諸侯在喪而有境外之事以喪行者稱

子以吉行者稱爵趙匡

夏大水

秋七月

冬十月

十有四年春正月公會鄭伯于曹

曹在衛南而東北為齊界所以伺齊衛之往來虞其
報救杞之怨也

孔義

無冰

時燠也

孔義

夏五

傳疑也

鄭伯使其弟語來盟

語穀作禦

使來盟盟前定矣

伊川

公會鄭伯于曹修武父之盟也

鄭使弟語來盟修曹之會也

傳斷

秋八月壬申御廩災乙亥嘗

嘗不書以御廩災書

野編

惡不敬也以為未易災之餘

而嘗也

穀梁

不時也秋嘗以物成而薦新為義夏之六

月未可嘗也

胡傳

冬十有二月丁巳齊侯祿父卒

僖公卒
襄公立

宋人以齊人蔡人衛人陳人伐鄭

師而曰以者能左右之以行其意也以一國而用諸

侯之師於是始

義

蔡陳與宋盟折者也齊衛與鄭盟

惡曹者也今鄭既背齊黨魯則齊亦背鄭黨宋夫齊

強於宋何亦聽其節制深仇鄭也仇鄭則嫉魯可知

春秋
翼

十有五年春二月天王使冢父來求車

王者無求用見當時上供多闕諸侯無王也

野編

三月乙未天王崩

桓王崩
莊王立

是後莊王僖王不書崩見王室不告魯不赴而諸侯

不臣益見矣

孔義

夏四月己巳葬齊僖公

五月鄭伯突出奔蔡

突何以出辟祭仲也

野編

鄭世子忽復歸于鄭

事之初起兩亡人爾今反正也莫先正名矣彼奔者突伯也此歸者忽世子也夫其書伯也不如世子世子義嗣也奪正而伯篡也野編世子書而無突天王書而無朝名正於此而義黜於彼聖人之筆大矣簡矣邠寶突忽並爭不書名何以別日抄

許叔入于許

即穆公新臣

隱十一年鄭使莊公之弟許叔居許東偏以奉其祭

祀鄭亂故許叔入許

孔義

公會齊侯于艾

公羊作鄆穀
作蒿齊地

謀定許也

左傳

魯本怨忽許實怨鄭定許所以撓忽也

日抄自郕之戰齊不通魯至是齊復通彭生之禍始此

木訥

邾人牟人葛人來朝

按邾黎來朝稱名蕭叔來朝稱字知此稱人必非其
君凡朝必以禮接於廟非諸侯不言朝曹伯使其世
子來朝杞伯姬來朝其子皆是子代父來行禮知此

稱人者亦是其世子凡來朝同時俱至必以先後行
禮若滕侯薛侯是也陳氏項氏皆謂此與滕薛皆譏
旅見自參以上貶人之非也楚雖僭王猶夏其會諸
侯亦曰用齊桓而已楚猶不敢僭天子之禮以臨諸
侯而況魯乎魯君朝而稽首於伯主晉人曰天子在
而君辱稽首寡君懼矣齊侯稽首於魯君魯君拜齊
人怒魯人曰非天子寡君無所稽首稽首猶且不敢
而況旅朝乎

屬辭

秋九月鄭伯突入于櫟

突非正也而忽不能君故國人君突諸侯助之春秋書爵所以戒居正者已不能保則人取之矣

伊櫟有

鄭伯鄭安得有伯高伯因之賊昭公齊襄因之賊子

亶傅瑕因之賊子儀春秋皆削不書第書鄭伯突入

于櫟蓋曰突已得鄭矣

野編

衛宣未葬而朔書衛侯見

諸侯之無父世子據鄭而突書鄭伯見諸侯之無君

義歸何以不言忽之出奔忽之為君微也祭仲存則存

矣祭仲亡則亡矣

公羊

冬十有一月公會宋公衛侯陳侯于袤伐鄭

袤公羊作侈宋地

納突也

野編

袤宋地

日抄

十有六年春正月公會宋公蔡侯衛侯于曹

謀伐鄭也

左

夏四月公會宋公衛侯陳侯蔡侯伐鄭

突善結諸侯也齊氏曰自入春秋蔡常先衛自是遂序衛之下先儒以為後至實則以勢之強弱相上下

而不復用周班矣

伊川

秋七月公至自伐鄭

致伐之始

以見勤勞於鄭突

伊川

一篡國公子勤諸侯三會再伐

又弗克納其致踰時也自冬十有一月至秋七月

何多日也

野編

冬城向

言冬通後月之詞

孔義

地在魯莒境上魯莒之爭自城

向始

日抄

十有一月衛侯朔出奔齊

朔譖殺二兄而有其國詩刺二子乘舟誠罪人也自
茲及于莊六年而入于衛中間宜有立君公子黔牟
周所立也春秋筆法空處最奇隱之薨也前不書即位
後不書葬知有亂者桓之薨也前書公與夫人姜氏
遂如齊後書夫人孫于齊知有淫者蔡人衛人陳人
從王伐鄭知有自將之天子王人子突救衛知有
天子所立之公子黔牟不知者以為斷爛知者以為

完整之極也

野編

十有七年春正月丙辰公會齊侯紀侯盟于黃

齊地

平齊紀且謀衛也

左

紀魯之姻國而衛朔在齊故齊

欲納朔而魯欲平紀也然二年之後齊遽遷紀三邑

六年之後魯卒會齊納朔則齊魯之強弱見矣

纂疏

二月丙午公會邾儀父盟于趨

魯地

下書伐邾則惡自見矣

孔義

夏五月丙午及齊師戰于奚

魯地穀梁作郎公闕夏字齊魯交兵之始齊魯之兵

始於奚而
終於艾陵

盟未幾而齊來侵境平紀之信豈可恃乎

吳澂

六月丁丑蔡侯封人卒

桓侯卒
哀侯立

秋八月蔡季自陳歸于蔡

許叔入于許許男新臣也蔡季歸于蔡蔡侯獻舞也
父子繼也兄弟及也為國求君倫序為重故稱叔季
爾說春秋者疑獻舞非賢未應書字謂別有一蔡季
穀梁曰蔡之貴者何氏增之曰賢者也能讓國曹臧

衛郢吳札何以不書野編

癸巳葬蔡桓侯

三月而葬

稱爵或曰請諡於王者也或曰傳失之孔義

及宋人衛人伐邾

宋志也左傳以二月盟以秋八月伐不書公削也野編

冬十月朔日有食之

推歷當為十一月庚午朔閏庚午字

十有八年春王正月公會齊侯于濼濼水名齊地

公與夫人姜氏遂如齊

公無與字

樂之會不言及夫人以夫人之伉也

穀梁夫人驕伉公

不能制也故曰與與則匹敵而無尊卑之別也罪公

也治其本也

孔義

夏四月丙子公薨于齊丁酉公之喪至自齊

樂之會不書夫人出以遂如齊見之喪至不書夫人

入以孫于齊見之

孔義


秋七月

冬十有二月己丑葬我君桓公

九月乃葬

公薨不地何也隱之故不地也今而書地桓惡無可
隱也我知之矣隱之忠臣襄公諸兒也桓之孝子公
孫無知也鄒桓公之書葬者賊既討也魯人却尸以
讓于齊曰請得彭生除君之惡徒知彭生之賊云爾
齊強而魯弱故君子以為討矣

劉敞
意林



春秋平義卷二